



اكتب على اسمي قصيده !

في مثل هذا اليوم جتني أوحيده
واللي حدث تبغي حروف فرايد
واتقول : اكتب لي على اسمي قصيده
قصيدة ما مثلها من قصايد
وتفنن ابرسمي وحسني وجيده
وشعاد لو كثروا عليّ الحسايد !
قصيدة آخر موديل وجدیده
أحر فيها هند واختي عنايد !
واكتب بأنني للحلا سيد سيده
واكتبني ريم خابها كل صايد
واطلب ولك أموال واللي تريده
بس المهم تنشر على اشهر جرايد
وأقول: حاضر ابشري يا سعیده
واخذي من حروفي علوم سدايد
تراك منتي يا فلانه وحیده
قبلك طلبني حور كثر وعدايد
المال سوا خلق آدم عبیده
لكن انا ماني على هالعوايد
ما غير أبكتب شعري لاحلى فريده
ما بكتب إلا للي بالزين كايد
ما غير (شيخه) والحلا هي تصیده
ماغير (شيخه) لو بغى الريم قايد
وليدة للحسن و صارت عمیده
لو هي حلاها اف بنك حقق فوايد !
درّة حسن .. قمره وتوها وليده
لو شافها الصايم يصبح .. يعايد !
يضيف فيها الزين طبع العنیده
عجايب الدنيا لها اليوم رايد
والشين ويّاها ضديد وضديده
شوفي حلاها ايزيد بين الضدايد
من حبّها يجري اقدمي وافوريده
من حكمها فالقلب نافذ وسايد
في شوفها غني يا أسعد نشیده
وفي ظماها جر يا حزن زايد
وفي وصلها أحظى بنومه رغيده
بفراقها أودّعك يا الوساييد
إحتلت افوادي وصارت تسيده
من دون سيف أو جيوش شدايد !
(شيخه) تطيح إلها النجوم البعیده
كلما تأشر للسماطاحوا وايد
بيحت مكنوني ابقصيده مفیده
وامدّعم شعري بأدله وشهايد
فقط لـ(شيخه) بكتبي أحلى قصیده
متألّفه بازهى المعاني الفرايد